

* **Halti** (ntr). Ĉesi agi, iri, moviĝi ktp : *la soldatoj ~is post longa marŝado; la vagonaro ~as dek minutojn ĉe tiu stacio; ~u!* (ne iru plue); *jam de hieraŭ mia horloĝo ~is; kiu tro rapide saltas, tiu baldaŭ ~as Z*; (f) *ŝia rigardo ~is sur unu el ili*. Kp PAŬZI, RIPOZI, INTERMITI, STRIKI, FROSTIĜI. ~**adi**. Restadi ~ante : *la policanoj kriis al la homamaso : ne ~adu!* ~**ejo**. Loko, kie oni ~as (Kp STACIO, ETAPO, STADIO). ~**igi**. Ĉesigi agi, iri, moviĝi ktp. : ~igi veturilon, vagonaron, trupon, ĉevalon, maŝinon, larminojn, propagandon; li ~igis iun pasanton, por demandi lin pri la vojo; la ekkrioj ~igis la oratoron; li kuris al la abismo k oni ne ~igis lin. 2 Senmoviĝi, fiksi : ~igi sian rigardon sur iu, io; ~igi la spiron (Kp PARALIZI). ~**igilo**. Ilo por ~igi : 1 (pp veturiloj) (Kp BREMSO). 2 (f) : *tio estis ~igilo por lia fervoro* (Kp BRIDO). ~**igŝuo**. Ligna aŭ fera peco, servanta por ~igi per frotpremado sur la rado. **Antaŭ~igi**. Malhelpi, ke iu evitindaĵo okazu : *antaŭ~igi la revenon de malsano*. **Sen~a**. Senĉesa, seninterrompa : *sen~a laborado; sen~a vagonaro* (kiu iras rekte al la destinita loko, ne ~ante dumvoje); *sen~e propagandi; nia afero kreskas regule k sen~e Z* (Kp KONSTANTA, KONTINUA, DAŬRA).

haltero Z. Mallonga stango, kies ekstremajoj estas enforĝitaj en du ferglobojn, kiun oni movas por ekzerci la brakajn muskolojn.

halucino, halucinacio Z. Stato de ne-daŭra frenezeco, en kiu oni perceptas ian sentumajon, kvankam ekzistas neniu ekstera objekto kapabla ĝin produkti; senteraro. ~**a**. Kaŭzita de ~o, simila al ~o : ~a teruro; (f) ~a filmo; ~a parado de fantomoj. ~**ato, ~aŭlo**. Malsanulo, kiu sentas ~ojn. ~**i** (tr). Senterarigi iun, kaŭzi ~on al iu. ~**igi** (ntr). Senti ~ojn.

Hamako. Ŝnura reto aŭ tolaĵo, horizontale pendigita per siaj du ekstremajoj k formanta porteblan liton, en kiu oni kuŝas, aŭ sin balancas.

* **Hamstro**. Malgranda dentskrapanta mamulo el fam. de musoj, vivanta en Nordgermanujo k Sovetujo (*cricetus frumentarius*).

hanso Z. Komerca asocio de negocistoj aŭ urboj : *leŭlona ~o; ~a urbo*.

* **Haro**. Fadenforma epiderma elkreskaĵo, pli malpli dense kovranta la korpon de bestoj k de homo : *londi ~ojn; kombi al si la ~ojn; maldika kiel ~o; la ~oj de negroj similas stupon; blonda, griza ~aro; la ~arango de la virinoj multe ŝanĝiĝis de kelkaj jaroj; (f) disendi, displitigi harojn (subtilaĉe diskuti); lia vivo estas sur ~eto Z, pendas de, el ~eto Z* (estas en ekstrema danĝero); *li estas ~plena kiel urso; ~stariga eraro*. Kp FADENO, FIBRO, FILAMENTO, PERUKO, HARTUBERO, BUKLO. ~**aro 1 Z** Peruko. 2 Kap~oj. ~**ego**. Dika ~o de iuj bestoj : ~egoj de apro, de ĉevala vosto. ~**ligo**. Kunplektitaj tufoj da longaj kap~oj. **Kol~aro**. Longaj pendantaj ~oj ĉe kolo de iuj bestoj (leono, ĉevalo). **Lip~oj**. ~oj ĉe la supra lipo : *bruligi al si la lip~ojn Z* (agi nesufiĉe singarde k devi penti pri tio). **Okul~oj**. ~oj ĉe la rando de palpebroj. **Sen~a**. Ne havanta ~ojn, perdinta la ~ojn : *sen~a kapo, maljunulo* (Kp KALVA). **Vang~oj**. ~oj kreskantaj ĉe la vangoj.

* **Hardi** (tr). 1 Meti brulvarmigitan ŝtalon en malvarman fluojon por ĝin pli malmoligi k pli elastigi : *bone ~ita glavo*. 2 Malmoligi : ~i gipson, cementon. 3 (f) Igi nesentema, krudigi, fortigi : ~ita kontraŭ la frosto, la malsano; mizero ~as korojn; maljunulo ~ita en malfeliĉoj; *bone ~ita soldato; favorkoreco k veremeco ~as reĝon Z; obstine ĝi paŝas, provita, ~ita, nia bravega anaro Z; ~iginta krimulo. ~(It)eco*. Kvalito de io ~ita : ~eco de ŝtalo, gipso, karaktero, volo. **Mal~i** (tr). 1 Brulruĝigi ~itan ŝtalon k lasi ĝin malrapide malvarmigi, por nuligi ĝian ~an malmolecon. 2 Moligi, malfortigi : *la riĉeco mal~as la kuraĝon*.

Haremo. 1 Apartamento rezervita ĉe la mahometanoj al la edzinoj; virinejo. Kp GINECEO, SERAĴLO. 2 La aro de tiuj edzinoj : *Salomono havis ~on el tricent virinoj*.

* **Haringo**. Marfiŝo, da kiuj sennombraj aroj venas ĉiujare de la glacia maro (*clupea harengus*).

harmono **h**. En akustiko, ĉiu el la flankaj sonoj produktataj de vibranta kordo, kune kun la ĉefsono.